

Ling & Sons IGA Super Center ta pasa pa doñonan nobo

ORANJESTAD

Despues di a sirbi e comunidad Arubano pa mas cu 60 aña, Ling & Sons IGA Super Center ta pasa pa e proximo capitulo y un direccion nobo, yamando bonbini na un gerencia nobo, dia 1 di October, 2012.

Ling & Sons a cuminsa na 1949 den un tienda simpel y humilde, cu Sr. & Sra Chao Yang

Ling a establece na San Nicolas cu a progresa den e siguiente decadanan pa bira un negoshi di famia di primera clase.

Maneha di generacion pa generacion door e famia Ling cuminsando na e fun-

dadonan kendenan na nan turno a pas'e pa nan yiu homber y yiu muherman. Den añanan 60 e yiu homber mayor, Jimin Ling y su casa, a introduci e concepto di self-service.

Na cuminsamento di añanan 80 Sr. y Sra Clifton Ling y Yolanda Ling a tuma over. Despues di a cambia di locacion na final di añanan 90 famia Ling a expande y modernisa nan facilidad usando scanners pa barcode.

Na principio di siglo 21 a bira mas y mas aparente cu e clientela di Ling & Sons tabata tin un apetit grandisimo pa un variedad mas

grandi ainda di produccionan special y unico. Esaki a pone cu famia Ling a hisa e nivel di calidad y servicio pa e cliente na e nivel di mas halto manera nos conoce na e momentonan aki.

Awendia Ling & Sons a desaroya y bira un super center cu un seleccion di cuminda sin igual, cu un panaderia den nan propio establecimiento, cuminda pa take-away, speciali-

dadnan di cuminda di rond mundo pa tur gusto y carninan aproba pa USDA. Durante henter aña nos team di mercadeo ta promove un estilo di bida saludabel den e comunidad door di organiza eventonan di deporte y programanan pa mucha.

Na fin di aña Ling & Sons tin su tradicional show di vuurwerk como muestra di aprecio y gratitud pa na e comunidad di Aruba pa nan confianza y apoyo.

Nos ta yama danki na nos distribuidonan local y internacional pa nan aporte leal y nan compromiso como cu nan ta yuda nos ofrece solamente lo mihor pa nos clientenan.

Na Ling & Sons nos ta bendiciona y gradicido di por a traha tur dia banda di otro cu nos empleadonan tan aprecia, kendenan ta brinda e servicio excelente na nos clientela y pa nan dedicacion na Ling & Sons.

Finalmente, henter e famia Ling & Sons kier gradici e pueblo Arubano pa nan lealtad, confiansa y aprecio.

Tabata un honor y placer di por a sirbi e generacionnan di famianan na Aruba y di exterior pa mas cu 60 aña.

Entrante 1 di October, 2012, Ling & Sons IGA Super Center lo ser maneha pa Van den Tweel Group, e doñonan nobo. □

